

摘藻堂四庫全書薈要

集部

欽定四庫全書薈要卷一萬九千九百五十三

集部

宋文鑑卷三十

宋 呂祖謙 編

騷如騷者亦附

山中之樂

歐陽修

佛者惠勤餘杭人也少去父母長無妻子以衣食于佛之徒往來京師二十年其人聰明材智亦嘗學問于賢士大夫今其南歸遂將窮極吳越甌閩江湖海上之諸山以肆其所適予嘉其嘗有聞於吾人也於

其行也為作山中之樂三章極道山林間事以動蕩其心意而卒反之正其辭曰

江上山兮海上峰  
藹青蒼兮杳嶺叢  
霞飛霧散兮邈乎  
青空天鑱鬼削兮  
壁立於鴻蒙崖懸  
磴絕兮險且窮穿  
雲渡水兮忽得路  
而不知其深之幾  
重中有平田廣谷  
兮與世隔絕猶有  
太古之遺風泉甘  
土肥兮鳥獸雖  
離其人麋鹿兮既  
壽而豐不知人間  
之幾時兮但見草  
木華落為春冬嗟  
世之人兮曷不歸  
來乎山中山中之

樂不可見今子其往兮誰逢

其一

丹莖翠蔓兮巖壑玲瓏水聲聒聒兮花氣濛濛石巉巖  
兮橫路風颯颯兮吹松雲冥冥兮雨霏霏白猿夜嘯兮  
清楓朝日出兮林間澗谷紛紛兮青紅千林靜兮秋月百  
草香兮春風嗟世之人兮曷不歸來乎山中之樂  
不可得今子其往兮誰從

其二

梯崖架險兮佛廟仙宮耀空山兮鬱穹隆彼之人兮固  
亦目明而耳聰寵辱不干其慮兮仁義不被其躬蔭長  
松之蓊蔚兮藉纖草之丰茸苟其中以自足兮忘其齒  
豁而顛童自古智能魁傑之士兮固亦絕世而逃蹤惜  
天材之甚良兮而自棄於無庸嗟彼之人兮胡為老乎  
山中山中之樂不可以遲子之返兮誰同

其三

逐伯強文

劉敞

寶元二年予羈旅淮南醫來言曰今茲歲多疾疫予因作文以逐伯強伯強厲也能為疫者故逐之

皇皇上天兮浩浩后土厥生繇繁兮其施其溥陶陶仲夏兮草木蕃蕪鳥獸孳息兮我民樂胥我民孔靈兮上帝是仁天子聖兮百工日新上無秕政兮下無悖人鄰里其集兮樂哉欣欣伯強何為兮孰畀以政反世五福兮持極以令我民不怡兮既爽其盛白黑眩瞶兮孰察其正謂壽反夭兮謂康反病仁義無益兮苟且為幸嗟

爾伯強兮其獨何心絕世和氣兮俾民不任上天孔神  
兮大德曰生天不可長罔兮民不可以久侵天誅誠加兮  
安所避雷公驅兮風伯逝嗟爾伯強兮何所詣南有蠻  
兮為寇為逋西羗戎兮恃艱自虞天子孔仁兮靡焉畢  
屠伯強往兮代天伐誅嗟中國兮不可久留子不去兮  
顛倒思予

屈原諷辭

劉敞

梅聖俞在江南作文祝于屈原譏原好競渡使民習

尚之因以鬪傷溺死一歲不為輒降疾殃失愛民之  
道其意誠善也然競渡非屈原意民言不競渡則歲  
輒惡者訛也故為原作嘏辭以報祝明聖俞禁競渡  
得神意

維時仲夏吉日維午神歆既祠錫辭以嘏曰朕之初皇  
揆于度嘉朕以名終身是守抑豈不淑不幸逢遇離愍  
被憂天不可訴宗國為墟寧取自賊朕為忍生豈不永  
年悃悃荆人是拯是憐赴水蹈波疚不廢旃既招朕魂



巫祝背先豈朕是私將德是傳淪胥及溺初亦不悛其  
後風靡民益輕死匪朕之心是豈為義婦弔其夫母傷  
其子人訊其端指予以詈予亦念之其本有自昔朕嫜  
直不為衆下世予尚之謂予好怒昔朕不容自投于江  
世予尚之謂予棄躬既習而鬪既遠益繆被朕偽名汙  
朕以咎朕生不時亂世是遘民之秉彜嘉是直道從仁  
於井朕亦不取汝禁其俗幸懷朕忠好競以誣一何不  
聽我實鬼神民焉是主其祀其禱予之所厚予懼天明

馬事戲豫予憫橫流馬事競渡予懷堯舜馬事狎侮汝  
維賢人曾不予怒徇俗雷同譏予以好履常徇直切諫  
盡節人神所扶未必皆福去邪即正何以有罰曾非予  
懷可禁其為毋使佞臣指予為戒錫爾多福畀爾龐眉  
使爾忠言于君畢宜

釋謀

王安石

雲冥冥兮蔽日風浩浩兮吹沙出予馳兮不得塊獨處  
兮咨嗟嗟天地兮無窮暑與寒兮相客以短褐兮憂親

孰知予兮孔棘維抱關兮擊柝乃予仕兮所宜祿可辭  
兮尚冒養孰割兮方虧豈吾事兮固拙寧我辰兮獨悖  
信物黠兮有制尚可侔兮內外

寄蔡氏女子

王安石

建業東郭望城西堦千嶂承宇百泉遶雷青遙遙兮纚  
屬綠宛宛兮橫逗積李兮縞夜崇桃兮炫晝蘭馥兮衆  
植竹娟兮常茂柳青綿兮含姿松偃蹇兮獻秀鳥跂兮  
下上魚跳兮左右顧我兮適我有斑兮伏獸感時物兮

念汝遲汝歸兮攜幼

九誦

鮮于侁

堯祠

車鑾鑾兮廟堦鼓坎坎兮祠下竿琴兮並奏潔時修兮  
虔祠事瑤華為饌兮沆瀣為漿象邊玉豆兮金鼎煌海  
珍野藪兮雜錯而致誠神之來兮風雨蕭蕭前驅于畢  
兮上有招搖羽林為衛兮虹霓為旗鳳凰左右兮擾伏  
蛟螭神之降兮金輿靈欣欣兮盱蠻德難名兮覆燾千

萬年兮不忘

舜祠

道歷山兮逶蛇思古人兮感歎並儲胥兮肅止仰曾雲  
兮晻曖獸何鳴兮林中鳥何悲兮山上木何為兮不剪  
草何為兮茂暢帝之神兮在天帝之德兮在人物具兮  
四海心精兮一純采秀實兮山間摘其毛兮澗底玉醴  
湛兮瓊茅希修雜兮蘭茝樂備兮九奏鳳舞兮儀韶人  
駿奔兮如在君卒享兮神交

周公

噫嗟兮文公歸然兮祕宇悵王室兮多難獨勤勞兮左  
右四國流言兮冲人不知東征問罪兮惛惛不歸大電  
以風兮天威震驚兮啓金縢兮袞衣有光公之心兮大  
成文武公之子兮建侯啓土山川兮附庸奄鳧繹兮龜  
蒙萬子孫兮承祀億兆人兮仰止惟天子之嘆嗟兮不  
復見於寤寐何莽新之假攝兮文姦言而欺一世造作  
詭故而戕劉兮亦亟殄宗而絕嗣公之聖而德協天兮

何妄人之輒自擬俾其顛而不終兮天實表公衷而警  
後肅進拜於廟堂兮宜奉時之牲酒鼓鍾兮在宮琴瑟  
兮在堂神之格兮樂享民欣欣兮不忘

孔子

曲阜兮遺墟先師兮闕里神髣髴兮如在涕瀉爰兮不  
已窮天地兮一人揭日月而照臨生無萬乘之位兮三  
千之徒心服而四來嗟愚陋之不明兮乃商賜之為疑  
羗紛紛其妄作兮悖道違義而弗自知顧六藝之折衷

兮取捨縱橫而協于道後世苟輕肆於胸臆兮必遽貽  
於詬病三綱立而五教明兮實治世之宏矩履厚地而  
戴高天兮胡一日之可捨宜萬齡之廟貌兮春秋不乏  
其時祀合仁義以為冠兮結忠信而為佩集道德以為  
裳兮服文章而為帶列籩豆為左右兮蘋藻牲牢而潔  
肥酌玉醴以為酒兮錯瓊瑤而為粢升堂而北面兮望  
冕旒之巍巍惟神明之降鑒兮洞精神其來歆

獄神



雲蔚蔚兮山之巔瞻嶽靈兮望青天  
嶄巖嶠碎兮磅礴無垠  
嶢嶢律勃兮寧一以為仁  
草木雜而羅生兮人不可名  
鳥獸蕃而走集兮虞不能知  
因高錯事兮道此躋陞  
登岱勒成兮胡為而七十二  
君齊余心兮不外高余冠  
兮甚偉擷芳杜兮為衣  
掇紫芝兮作佩  
栢實兮松華石髓兮蘭英  
蕙肴陳兮玉案明  
水湛兮清尊誠拳拳兮不解  
寐接神兮恍若有言  
嵩高峻極兮生甫與申  
周道將明兮宣以中興  
水旱不常兮蟲螟以災  
稼穡卒荒兮

民生流離勞來安集兮之子之功祐此下民兮寧遺神  
羞

河伯

清秋方初兮靈雨降而無時舊坊弗治兮河水泛濫而  
為災滔汨沸渭兮澎湃奔波而需來崩騰覆溺兮夫豈  
河伯之不仁汗漫千里兮蕩然室閭耄稚驚號兮丘冢  
為家蛟螭憤怒兮魚鼈縱橫龜鼉馳驚兮鳬鶩飛翔皇  
天無親兮視聽以民五序參差兮咎極以滋聖惟唐堯

兮固遭橫流臣有舜禹兮輿心所依禦災拯溺兮九敘  
可歌四凶遂去兮二氣以和天地平成兮海隅蒙福白  
馬玉璧兮非神之欲

箕子

偉夫子之正諒兮適遭世以離尤悼祖宗之累積兮大  
命顛而逢憂忠良屏遠兮讒諛寢昌神龜在塗兮虺蟒  
升堂紫鸞被置兮鳩羽飛揚騶虞潛遯兮豺虎縱橫江  
籬鉏割兮鈎吻日滋芳荃不御兮蔓草難圖比干剖心

兮夫子佯狂蒙以正兮大明其傷靈修不察兮國以云  
亡舊邦維新兮武功以成囚奴釋辱兮作賓於王九疇  
演繹兮大法以彰五事欽明兮君道日隆彛倫攸叙兮  
庶政其凝朝鮮分封兮夷貊化行傳國中山兮蕃子以  
孫廟貌有嚴兮祀典攸存歲時奉事兮斯千萬年

微子

肇公孫之璇源兮元鳥降而生商並禹稷之聖賢兮實  
惟桓撥之王歷嬀妣之世數兮道日躋於武湯始伐罪

於仇餉兮人怨咨而徯來顧寬仁之宜民兮天俾式於  
九圍諒除殘而代虐兮猶云德之有慙賴燕翼於孫謀  
兮治克舉於三宗老成不怨於不以兮隱處不傷於厄  
窮世四十有六而下衰兮豈天命之將隳實遭家之不  
嗣兮顧麗色之惟微念社稷之顛傾兮七廟無所憑依  
帝眷在於有周兮抱祭器而馬歸雖白馬之見廟兮聊  
血食於商丘偉夫子之一言兮誠有取於三仁

雙廟

旄頭光芒兮戎馬馳海水沸蕩兮鯨鯢飛煙塵蔽日兮  
殺氣昏金鼓轟天兮山岳奔小國不守兮大國顛傾王  
侯戮辱兮蛇豕肆行二公仗義兮捍賊睢陽析骸易子  
兮併力小城勢窮力殫兮外無救兵亡身徇國兮寧屈  
虎狼仰天視日兮氣以揚揚衣纓不絕兮貌如平生旅  
遊馳驅兮歷此舊都致詞雙廟兮涕泗不收惟忠與孝  
兮死義為尤遭世擾擾兮適履其憂訐謀顛置兮邊將  
怙功尾大權移兮三鎮握兵忠賢在野兮讒邪肆意女

謁內用兮戚臣外圯紀綱日紊兮典刑日弛胎禍階亂  
兮誰執其咎義士沒身兮沈寃莫置猗歟二公兮行人  
歔歔

上清辭

蘓軾

君胡為兮山之幽顧宮殿兮久淹留又曷為一朝去此  
而不顧兮悲此空山之人也來不可得而知兮去固不  
可得而訊也君之來兮天門空從千騎兮駕飛龍隸星  
辰兮役太歲儼晝降兮雷隆隆朝發軔兮帝庭夕弭節

兮山宮壙有妖兮虐下土精為星兮氣為虹愛流血之  
滂沛兮又嗜瘡癘與螟虫嘯盲風而涕淫雨兮時又吐  
旱火之煙融御帝命以下討兮建千仞之修鋒乘飛霆  
而追逸景兮歛若掃滅而無蹤忽崩播其來會兮走海  
岳之神公龍車獸鬼不知其數兮旗纛晦靄而冥蒙漸  
俯偃以旅進兮鏘劒佩之相礮司殺生之必信兮知上  
帝之不汝容既約束以反職兮退戰慄而愈恭澤充塞  
於四海兮獨淡然其無功君之去兮天門開款閭闔兮



朝玉臺群僊迎兮塞雲漢儼前導兮紛後陪歷玉階兮  
帝迎勞君良苦兮馬虺隤閔人世兮迫隘陳下土兮帝  
所哀返瓊宮之嵯峨兮役萬靈之喧阗默清淨以無為  
兮時節狩於斗魁詣通明而獻黜陟軫蕩蕩其無回忽  
表裏之煥霍兮光不燭於九陔時遊目以下覽兮五岳  
為豆四海為杯俯故宮之千桂兮若毫端之集埃來非  
以為樂兮去非以為悲謂神君之既返兮曾顏咫尺之  
不違陞祕殿以內悸兮魂凜凜而上馳忽寤寐以有得

兮沐浴而獻辭是邪非邪臣不可得而知也

黃泥坂辭

蘇軾

出臨臯而東驚兮並萊祠而北轉走雲堂之坡陀兮歷  
黃泥之長坂大江洶以左繚兮渺雲濤之舒卷草木層  
累而右附兮蔚柯丘之蔥蒨余旦往而夕還步倚徙而  
盤桓雖信美不可居兮苟娛余於一盼余幼好此竒服  
兮襲前人之詭幻老更變自哂兮悟驚俗之來患釋寶  
璐而被繒絮兮雜市人而無辨路悠悠其莫往來兮守

一席而窮年時游步遠覽兮路窮盡而旋反朝嬉黃泥  
之白雲兮莫宿雪堂之青煙喜魚鳥之莫余驚兮幸樵  
蘓之我嫚初被酒以行歌兮忽放杖而醉偃草為茵而  
塊為枕兮穆華堂之清晏紛墜露之濕衣兮升素月之  
團團感父老之呼覺兮恐牛羊之子踐於是蹶然而起  
起而歌曰月明兮星稀迎余往兮餞余歸歲既晏兮草  
木腓歸來歸來兮黃泥不可以久嬉

南山之田

王令

南山之田兮誰為而蕪南山之人兮誰教墮且來者何  
為兮徑者誰趾草漫靡兮不種何自始吾往兮無耜吾  
將歸兮客我止要以田兮寄於治我耕淺兮穀不遂耕  
之深兮石撓吾耒吾耒撓兮嗟耕難雨專水兮日專旱  
借不然兮穎以秀螟懸心兮騰開目我雖力兮功何有  
雖然不可以已兮寧時我違而我不負

我思古人

王令

我所思兮忽古今之異時生茲世以為期欲勿思而奈

何獨斯人之弗見故永懷而自歌樂吾行之舒舒忽忘  
世之汲汲睇萬里以自驚兮豈寧俯以効拾載重道遠  
兮予欲行而誰與累九鼎以自重兮固疋之不舉矯身  
以為衡兮權世之重輕廣道以為路兮聽人之來去

山中辭

王令

山中兮何遊登彼山兮樂夫高棄吾馬兮取步降吾車  
兮足兩屨石當道兮行旁木礎上兮下俯曾蹈險之非  
艱聊憑高而下顧何所視之乃牛而獨見之如鼠彼侏

侏者出其下兮曾其身之非偃于嗟徂兮離婁之死則  
已古不較其為短長兮何獨計其高下山之高兮崔嵬  
山之路兮百折而千回趨前行而就撓笑顧後使推之  
彼遊者誰兮何以子之車來

江上辭

王令

江之水分東流汭湍流兮寄吾舟舟無初兮載函重風  
乘波兮棹人用濟不濟兮奈何橫中流兮涕滂沱來何  
為兮不待今雖嗟兮安悔舟方乘兮人不吾以覆且溺

矣我同人死江之水兮東流濟欲濟兮何由水浸浸兮  
灘露暮濤下兮夜潦收舟不行兮推之於陸力不足兮  
汗顏行無由兮塗足時不逝兮奈何歸日暮兮塗遠風  
高兮水波行躊躇兮竚望聊逍遙兮永歌江之水兮東  
流汧湍流兮望歸舟舟來歸兮何時步芳洲兮濯足陟  
南山兮采薇江風波兮日暮望夫人兮未來江之水兮  
東流汧湍流兮望歸舟風滔滔兮浪波若嗟往者兮未  
還惜行人兮將去去何道兮歸何時執子手兮牽子衣

行何如今來復濟豈無兮它時

放言

狄遵度

惘兮忽長不樂兮安極眺平野兮千里坐空館兮四壁  
對寒日兮蒼莽披勁風兮悽慄鳥悲鳴兮羣喪草離披  
兮路塞嗚呼物之生天地間雖大小參差不齊然其材  
亦各有所適草木不以微而廢其用陵丘不以大而專  
其職獨人事豈不然亦由茲而可識性之稟既有賢愚  
之異位之設亦有貴賤之隔使大小各得盡其材譬一



體之和懌及年歲之未暮兮思欲竭其所得曷獨求已  
之為兮顧泯然者可惻古之聖賢固癯瘁而不敢暇兮  
畏天命之誅殛天之賦已以是材兮敢不奉而驚惕嗚  
呼而今而後用與不用吾將繫之於天在已之有固斯  
須而不敢斲

幽命

沈括

山木嘯兮雲幽幽秣我歸馬兮無為久留江鼉翔兮雨  
漫漫回予車兮水漸慙仲何為兮中野澹將洋兮踈駕

目遊兮形留鬱逍遙兮日下寫慕兮流觀舞節兮浩望  
駟黃戾兮靡騁旋吾輪兮焉往不我虛兮斯辰思何為  
兮執掌

題禹廟壁

劉 昇

皇祐二年秋予自閩由太末登天台川陸間行至于郡  
凡數千里觀山澤之可樹殖者或荒渚焉田畝之可畎  
澮者或漫滅焉自剡而西遇雨數日農田甚豐垂穫而  
遭霖潦之害春夏斯民饑孳瘵瘠未起者重困是水予

心哀焉嗚呼宜樹殖而荒瀦凍餒之源也宜畝澮而漫  
滅水旱之道也天地非不生且育然而吾民重罹饑困  
贊乎化育之道未至焉耳夜過鑑湖人指南山而告曰  
禹廟也予具冠帶瞻望內起恭肅不覺感歎泣下既而  
欲誌其事厥明次于會稽之門遂寫屋壁其歌曰

地生財兮天生時聖賢之贊育兮咸適其宜畝澮距川  
兮川距海水旱罔至兮民無凍饑畝田是起兮帝載以  
熙萬世永賴兮胡不踐履而行之嗚呼禹乎誰知予心

之增悲

詆風穴

劉攽

背崧右洛兮維汝泱泱左界韓鄭兮前關魯陽陵丘曼  
延兮土膏脉良生植遂茂兮厥天且長咨飄風兮胡狼  
而狂乘冬肆威兮怒號以常通晝旦夕兮日月奪光宇  
宙昏惑兮顛倒玄黃折枝排根兮松桂毀傷衝空動棟  
兮披戶登堂獸亡其曹兮鴻鵠失翔問誰尸之兮底此  
不祥曰茲穴之詭異兮竊神之機幽嶮窮竒兮狹中不

夷鼓舞蜚廉兮招搖南箕平居無事兮淫樂而爾為歷  
九州而遐觀兮孰樂土其若此獨蠻夷之僻陋兮乃自  
古記之矣邈炎洲之荒忽兮汨大海其千里上霧下潦  
兮墊隘瘴癘魑魅群遊兮樂人之死蓄為颶風兮瘖毒  
疵癘挾濤駕山兮舟航糜毀歷日旋時兮然後得已而  
極曠蕩兮陰磧無垠流沙不波兮瀚海無泉五穀不生  
兮蓬棘蓁蓁熱風之來兮天地翳昏觸肌為瘡兮四肢  
若燔亦幸有老駝之先知兮嗚呼而告言歸命野獸兮

厪焉得存彼鬼方之幽昧兮固宜以然慨中土之與隣  
兮不陂不偏胡亢神之忍兮固蔽以頑用夏變夷兮至  
于髦鬻外百里而不同兮茲邑獨為匪民帝之高居兮  
臨照在下虎豹服仁兮九閭莫阻巫咸上愬兮帝命斯  
許巨靈夸娥兮絕其幹脅拔山投石兮北海之渚大野  
夷爽兮八風攸叙號令專一兮莫予敢侮蒙常聖時兮  
維民所取亢神雖悔兮夫孰閔汝

弔王右軍宅辭

錢公輔

晉王右軍宅在越之載山為浮圖而繪像存焉好事者  
猶能指墨池鵝池之遺迹而表識其上予嘗恨東南山  
之佳水之勝多奪於浮圖氏而衣冠隱淪無一人得之  
者既過右軍宅擲文以弔之曰

晉去今兮千齡未餘彼山峩兮晉賢人之故居故居泯  
其幾時兮今變化於浮圖嗚呼傷哉絕雲巍崗蔥蔥蒼  
蒼竹茂草美煙高氣長古松蒼兮虬盤恠石呀兮虎驤  
前稽嶺之橫峙兮下鑑水之輝光遠市井之喧卑兮據

城壘之低昂春可遊而縱望兮夏可息而淒涼秋可登  
而感慨兮冬可處而樂康無一時之不得宜兮環一目  
而周四方真孤高之所廬兮非醜族之能當生宜形體  
之放浪兮死宜魂魄之棲藏嗚呼傷哉彼靈何之兮默  
不聞一恠與一祥果無知兮徒結塞予之中腸果有知  
兮奚坐視緇徒之賊戕將後葉之湮淪兮無能振其祖  
芳抑亂離之荐遭兮百易主而百亡吾固弗得而知兮  
茲涕泗而倘佯嗟道之衰兮異姓類蠹侵而日昌嗟越



之雄兮豈微一丈夫之勇剛如可贖兮雖萬金可捐萬  
室可償胡恬夷而莫醜兮往往助資其棟梁聊捐文於  
山之側兮將饒石乎洲之堂嗟嗟越人窮千萬春兮宜  
吾文之弗忘

解雨送神曲

李常

怒風兮揚塵日爍石兮將焚水泉竭兮厚地裂嘉穀稔  
兮孰孳且耘神龍兮靈壑挹清波兮幽瀆鳴鼉鼓兮舞  
神覲庶下鑒兮霈祥氛

觸石兮山巔  
脩四騫兮天邊  
驚霆怒兮電熾  
翻河漢兮繩懸  
忝離離兮發嘉穗  
隴高下兮水潺湲  
謹吾人兮拜  
祝請奉事兮無有窮年

肅旂旆兮先驅  
咽簫笳兮擁歸輿  
椒醑并兮牲幣潔如  
盱蠻兮為之跼蹐  
瞻前山兮嵯峨  
指去路兮縈紆  
神德大兮報無以稱  
徒感涕兮長吁

超然臺詞

文同

方仲春之盎盎兮  
覽草木之菲菲  
胡怫鬱於余懷兮  
悵

獨處而無依陟危譙以騁望兮丘阜摧崦而參差窮莽  
蒼以極視兮但浮陽之輝輝忽揚颺以晦昧兮灑氣靈  
於四垂躋余之所行兮溷溷其安之蛻余神以遐驚兮  
控沈寥而上馳闢晦曖以涉瀕洞兮揮霓旌而掉雲旗  
擺長彗以夭矯兮從宛虹之委蛇曳采旒以役朱鳳兮  
駕瓊輶而驅翠螭涉橫潢以出沒兮歷大曜而蔽虧翬  
萬里以一息兮俯九州而下窺有美一人兮在東方去  
日久兮不能忘凜而潔兮岌而長服忠信兮被文章中

皦皦兮外琅琅蘭為襟兮桂為裳儼若植兮奉珪璋戢  
光耀兮祕芬芳賈世用兮斯卷藏遊物外兮肆猖狂余  
將從之兮遙相望回羊角兮指龍肱轉嶠夷兮蹴扶桑  
竒參山兮聊徜徉下超然兮拜其旁顧有問兮言非常  
忽掉頭兮告以祥使余脫亂天之網兮解逆物之韁已  
而釋然兮出有累之場余復僊僊兮來歸故鄉

濂溪詩

黃庭堅

春陵周茂叔人品甚高胸中灑落如光風霽月好讀書

雅意林壑初不為人窘束世故權輿仕籍不卑小官職  
思其憂論法常欲與民決訟得情而不喜其為小吏在  
江湖郡縣蓋十五年所至輒可傳任司理參軍運使以  
權利變具獄茂叔爭之不得投告身欲去使者斂手聽  
之趙公閱道號稱好賢人有惡茂叔者趙公以使者臨  
之甚威茂叔處之超然其後廼寤曰周茂叔天下士也  
薦之於朝論之於士大夫終其身其為使者進退官吏  
得罪者自以不寃中歲乞身老於湓城有水發源於蓮

花峰下潔清緝寒下合於湓江茂叔濯纓而樂之築屋  
於其上用其平生所安樂媿水而成名曰濂溪與之遊  
者曰溪名未足以對茂叔之美雖然茂叔短於取名而  
惠於求志薄於徼福而厚於得民菲於奉身而燕及  
嫠陋於希世而尚友千古聞茂叔之餘風猶足以律貪  
則此溪之水配茂叔以永久所得多矣茂叔諱惇實避  
厚陵奉朝請名改惇頤二子壽燾皆好學承家求余作  
濂溪詩思詠潛德茂叔雖仕宦三十年而平生之志終

在丘壑故余詩詞不及世故猶髣髴其音塵

溪毛秀兮水清可飯羹兮濯纓不漁民利兮又何有於  
名絃琴兮觴酒寫溪聲兮延五老以為壽蟬蛻塵埃兮  
玉雪自清聽潺湲兮鑒澄明激貪兮敦薄非青蘋白鷗  
兮誰與同樂

津有舟兮蕩有蓮勝日兮與客就閒人聞拏音兮不知  
何處散髮醉高荷為葢兮倚芙蓉以當妓霜清水寒兮  
舟著平沙八方同宇兮雲月為家懷連城兮佩明月魚

鳥親人兮野老同社而爭席白雲蒙頭兮與南山為伍  
非夫人攘臂兮誰余敢侮

明月篇贈張文潛

黃庭堅

天地具美兮生此明月陞白虹兮貫朝日工師告余曰  
斯不可以為佩棄捐櫝中兮三歲不會霜露下兮百草  
休抱此耿耿兮與日星遊山中兮招招耕而食兮無  
卹榛艾蓁蓁前吾牛兮痕不可更扶淺耕兮病歲深耕  
兮石嬰耜登山兮臨川雉得意兮魚樂小風兮吹波從



其友兮尾尾日下兮川逝射雉兮喪余一矢佳人兮潔  
齊悵何所兮行媒南山有葛兮葛有本我羞鋪兮以君  
之鉏來

秋風三疊寄秦少游

邢居實

秋風夕起兮白露為霜草木憔悴兮竊獨悲此衆芳明  
月皎皎兮照空房晝日苦短兮夜未央有美一人兮天  
一方欲往從之兮路渺茫登山無車兮涉水無航願言  
思子兮使我心傷

秋風淅淅兮雲溟溟  
鳴梟晝號兮蟋蟀夜鳴  
歲月徂邁兮忽如流星  
少壯幾時兮老冉冉其相仍  
展轉反側兮從夜達明  
悵獨處此兮誰適為情  
長歌激烈兮涕泣交零  
願言思子兮使我心恨

秋風浩蕩兮天宇高  
群山逶迤兮溪谷寂寥  
登高四望兮不自聊  
駕言適野兮誰與遊  
遨空原無人兮四顧蕭條  
猿狖與伍兮麋鹿為曹  
浮雲千里兮歸路遙  
願言思子兮使我心勞

華清宮詞五首

田 晝

帝將汰兮般樂睠名山兮華薄羗誰為兮雲中眇殿兮  
戍削飛檐兮轆轤綉栢兮錯稅颺壁門兮鈿砌承桂柱  
兮璇趺梅有壇兮椒有苑燠芳蓮兮水澹澹晞組岫兮  
晃朗建明珠兮直上彤樓兮綠閣瑤壇兮羽幄犬羊兮  
西清鹿得名兮山客殷復殷兮夷城駕繚復繚兮女墻  
下儼龍旌兮鳳蓋悅而明兮忽而曖與女獵兮河曲金  
為羈兮玉為勒與女席兮天涯霓為裳兮羽為衣望夫

君兮余思樂不極兮告我以不歸悵千秋兮若此時不  
可兮屢得

有美一人兮心所歆被姣服兮躡織英朝與出遊兮夜  
忘歸山之樊兮羅百司鉤膺兮陸續五貴般兮相屬秣  
驪駒兮驚寶軸諸娣從之兮兩大國犀屏兮象筵墮珥  
兮委鈿捐珠琲兮霧散衰蘭氣兮宛延霞冠兮翠珮整  
巾幘兮雲之際合衆豔兮儵爚轉清臚兮流睇歛音兮  
眇眇芳塵兮縹縹騁秘樂兮天中播鐘虞兮夾陳龜盤

兮羯鼓塤箎高張兮紛緜緜而來下奄四海兮黷侈君  
之心兮未已邑里移兮朝會遷光歲蕤兮列貂蟬顧文  
葆兮屬聶悄不愕兮不言陳玉座兮金鷄錫之帶兮十  
圍夫人自秉兮美質蹇何為兮爾疑

浴芳華兮瑤池待夫人兮未來忽中變兮偃蹇拓九關  
兮洞開鬱勃兮馭馭策駿駿兮奔螭撻鉦鼓兮蔽野戈  
鋌動兮拂霓操吾矛兮反吾逐兵接腋兮車接轂帝順  
動兮將焉薄屠雲駒兮徹豐屋龍輶兮華輶和鑾兮啾

啾擁周衛兮失次旂旗紛兮九旂臣鄰兮嬪御佯攘兮  
載路鈿扇兮褕翟魚須笏兮赤纒烏騰駕君兮逶遲憑  
余怒兮不夷宛美人兮道曲悵羽袖兮襍襪朝弛鞅兮  
山阿夕流憇兮江許折瓊枝兮蕙茝將以遺兮無所歌  
汾寫兮悲秋風邑邑兮余愁欬與爾兮目結心騷屑兮  
顧懷

天兵合兮龍羣兇銷氛沴兮奏膚公皇穆穆兮來歸盍  
將疑兮層宮秋風兮颼颼紅實兮離離泯無人兮跡絕

散紫殿兮金扉霜霑庭兮月侵墀寒杳思兮失玻璃愴  
石瀏兮澈敷擢芳葩兮儼如昔錦鳬兮繡鷺思柔匹兮妍  
嫵溟海阻兮太息魂之來兮秋之夕涕滢滢兮增悲救  
所思兮為余翳之解幃袂兮玉體謂芬馨兮可佩促而  
衽兮原中遺而履兮行路覽故處兮猶疑徒丹楹兮延  
佇


秣余馬兮脂余車歲二月兮西南徂登朝元兮騁望興  
廢忽兮愁予龍垵兮疊疊清川兮瀾瀾浮綠樹兮中天

非雲非煙兮眇如薺蔚豐壤兮氣冲融疇隴靜兮芳卉  
明灼袷服兮雅豔發組繪兮鮮榮祥光兮繚繞虹霓廻  
氛兮海收潦軼咳語兮曾穹薄飛轡兮下眺撫華清之  
巨麗兮孰轉踵而失之望秦陵之坡陀兮羌鬱鬱而蔽  
之驪之山兮畢之原丘纍纍兮草芊芊諒前世兮俱盡  
余又悲兮有唐





宋文鑑卷三十



總校官庶吉士 臣 張能照

校對官助教 臣 蔡鎮

謄錄監生 臣 羅善慶

欽定四庫全書薈要

集部

宋文鑑卷三十一

詳校官候選知縣臣吳甸華



欽定四庫全書薈要卷一萬九千九百五十四

集部


宋文鑑卷三十一

宋 呂祖謙 編

詔

幸西京詔

盧多遜

定鼎洛邑我之西都燔柴泰壇國之大事况削平江表  
底定南方惟率土之混同自上天之鑒祐內慙涼德感  
是洪休得不罄以恭虔申其告謝睠惟京而西顧兆陽  
位於南郊豆籩陳有楚之儀黍稷奉惟馨之薦朕今暫

幸西京取四月內選日有事於圓丘宜令有司各揚其職禮容儀衛典故在焉祇事肅成無或煩擾諸道州府不得以進奉為名輒有率歛凡在中外當體予懷

祖宗升配詔

宋 綬

朕聞王者奉宗廟貴功德裡天祀地則有侑神作主之尊審諦合食則有百世不遷之重朕以寡薄獲承天序實賴先烈沆臻治平懼不能揚祖宗之休丕顯懿鑠夙夜惟念弗遑寧居恭以太祖皇帝奮溥耀之精輯樂推

之運屬五代澆季中華剖裂英威一震罔不率俾夷僭  
黜暴皇綱再張革其桀驁納諸軌度規摹閱遠貽萬世  
法太宗皇帝躬盛聖之資乃膺繼體及來閩粵復汾晉  
方夏一統尉候萬里興文教拔羣材思皇政經憂勞庶  
務惠澤漸漬浹人骨髓真宗皇帝欽明孝熙恢續鴻緒  
勤儉以率下哀矜以謹刑撫和二邊兵不復用民靡知  
役物遂其生因時昭泰憲章考古登封巡祭聲明焯耀  
享國多載仁恩溥博昔商周之際則長發太禘嚴父配

天逮於漢氏亦能尊二宗立廟樂朕甚慕之肆我藝祖  
之受天命建大業可謂有功矣二聖繼統重雍累洽可  
謂有德矣其令禮官稽按典籍辨崇配之序定二祧之  
位中書門下審加詳閱稱朕意焉

賜中書門下詔

歐陽修

朕續承丕基撫有方夏謂教之不可以家至而行之每  
務於身先惟是儉勤敢忘勉勵期與群庶臻于富康而  
人殆久安驕於佚欲物豐太盛耗以浮虛苟奉養以自

私忘僭奢之為戾士民交黷貴賤靡分惟其彊力之能  
無復等威之制考於著令雖有舊章顧在攸司鮮聞用  
法民遂安於常習弊罔革以滋深紀綱既紊於度程風  
俗以至於流蕩俾朕有欲治之意不能副余之誠心而  
民多自陷之愚未免煩余之訓導夫令信由於貴始下  
化先於上行眷予一二之臣其率庶工而警職俾爾多  
方之衆勿踰常憲一作法以干刑庶漸革於侈風以共趨  
於治路凡居室之制器用之度冠服之章妾媵之數其



令中外臣庶遵守前後條詔如有違犯仰御史臺及開封府糾察聞奏其諸路州軍即委轉運使提點刑獄臣察及逐處長吏施行布告中外咸使聞知

皇太后還政議合行典禮詔

歐陽修

朕頃以嗣承大統方執初喪過自摧傷遂嬰疾恙皇太后尊居母道時邁家難閔余哀荒俯徇誠請勉同聽覽用適權宜賴保護之勤劬獲清明而康復恭惟坤德之至靜實厭事機之久煩殆此彌年荐承諄誨顧實繁於

庶政難重浼於睿慈然而方國多虞則共濟天下之務  
惟時無事亦宜享天下之安先民有言無德不報雖日  
以三牲之養未足盡於予心而刑于四海之風必務先  
於孝治惟是事親之禮益存有國之規當極尊崇以稱  
朕意應合行儀範等事令中書門下樞密院參議以聞

通商茶法詔

歐陽修

古者山澤之利與民共之故民足於下而君裕於上國  
家無事刑罰以清自唐末流始有茶禁上下規利垂二

百年邇聞比來為患益甚民被誅求之困日惟咨嗟官  
受濫惡之入歲以陳積私藏盜販犯者實繁嚴刑峻誅  
情所不忍使田間不安其業商賈不通于行嗚呼若茲  
是於江湖間幅員數千里為陷穽以害吾民也朕心惻  
然念此久矣間遣使者往就問之而皆謹然願弛權法  
歲入之課以時上官一二近臣件析其狀朕嘉覽于再  
猶若慊然又於歲輸裁減其數使得饒阜以相為生刻  
去禁條俾通商賈歷世之弊一旦以除著為經常弗復

更制損上益下以休吾民尚慮喜於立異之人緣而為  
姦之黨妄陳奏議以惑官司必寘明刑用戒狂謬布告  
遐邇體朕意焉

求直言詔

韓維

朕涉道日淺晦于致治政失厥中以干陰陽之和乃自  
冬迄春旱暵為虐四海之內被災者廣聞詔有司損常  
膳避正殿冀以塞責消變歷日滋久未蒙休應嗷嗷下  
民大命近止中夜以興震悸靡寧永惟其咎未知攸出

意者朕之聽納不得於理歟獄訟非其情歟賦斂失其節歟忠謀讜言鬱於上聞而阿諛壅蔽以成其私者衆歟何嘉氣之久不效也應中外文武臣寮並許實封直言朝政闕失朕將親覽考求其當以輔政理三事大夫其務悉心交倣成朕志焉

賜中書門下置寶文閣學士待制詔

張方平

昔我藝祖神武不殺誕昌寶祚太宗修文德以光大業

真宗崇儒術以承休命仁宗善繼謨烈化成治定咸有  
述作煥于簡編河漢昭回奎璧相照廼規層構邃在西  
清憲上帝藏書之府章累朝稽古之盛並揭嘉名以登  
峻望俾服凝嚴之職因為咨訪之地誠聖哲之遠業熙  
洽之高致也仁祖升遐先皇纂御首命近列論次遺文  
鈿軸寶函未終繙錄白雲紫氣遽復上賓今告畢功甫  
將安奉大訓九歌之重垂世共長廣內祕室之藏貽謀  
無極祇循故事適成先志寶文閣宜置學士待制著于

令

禁內降詔

胡宿

朕紹承駿烈祗服先猷蹈道以臨庶邦慎憲而持大柄  
馭之予奪正以賞刑悉任至公靡容紊法比有憚幸肆  
興妄圖或違理覬恩或負罪希貸率求內出間亦奉行  
蠹政虧風莫斯為甚雖屢頒於詔約曾未絕於私祈兼  
慮臣庶之家近貴之列交通請託巧詐營為陰致貨賂  
密輸珍玩夤緣結納侵撓權綱方務澄清當嚴禁詰儻

復違犯斷在必行重念成湯以六事責躬女謁包苴之  
先戒管氏以四維正國禮義廉耻之具張矧宗祀之涓  
成屬祥釐之均被嘉與中外絀此非衰勉于自新以隆  
至治今後應內降指揮特與恩澤及原減罪犯者並仰  
中書樞密院並所承受官司具前後詔條執奏不得施  
行及臣庶家如有潛行貨賄結託貴近者並令御史諫  
官覺察論奏咨爾丞弼體朕意焉

立皇子詔

王珪



人道親親王者之所先務也蓋二帝之隆治繇茲出朕  
甚慕之右衛大將軍岳州團練使某皇兄濮安懿王之  
子猶朕之子也少鞠于宮中而聰知仁賢見于夙成日  
者選於宗子近籍命以治宗正之事使使者數至其第  
廼崇執謙退久不受命朕默然有嘉焉朕蒙先帝遺德  
奉承聖業罔敢失墜夫立愛之道自親者始固可以厚  
天下之風而上以嚴夫宗廟也其以某為皇子

為雨灾許言時政闕失詔

王珪

蓋聞古之聖賢在位陰陽和風雨時日月光星辰靜黎  
民阜蕃以底休平朕甚慕之朕猥以眇身託于王公之  
上夙夜以思惟懼不能以承先帝鴻業而比年以來水  
潦為沴廼八月庚寅大雨京師室廬墊傷被溺者衆大  
田之稼害于有秋竊迹灾變之來曾不虛發豈朕之不  
敏於德而不明於政歟將天下刑獄滯寃賦繇煩苦民  
有愁歎亡聊之聲以奸其順氣歟不然則何天戒之甚  
也今飭躬焦思欲銷復大異而未聞在位者之忠言進

祈自新厥路何繇焉應中外臣寮並許上實封言時政  
闕失及當世之利病可以佐元元者悉心以陳毋有所  
諱執政大臣皆朕之股肱其協德交修以輔朕之不逮  
封太祖皇帝後詔

王珪

昔我藝祖皇帝之興以天發之期兵未始一血刃而卒  
再造區夏其大謀盛烈被諸萬世而莫高焉朕奉承聖  
緒夙夜不敢康乃顧後之子孫寢微弗顯而有司未嘗  
議封爵之文豈朕所以尊大統推親親之意哉且積厚

者其流遠施大者其報豐宜令中書門下考太宗之籍以屬近而行尊者一人裂土地而王之使常從獻于郊廟世世勿復絕

皇太后付中書門下還政書

王珪

日者昊天不弔先帝上賓遽揚末命之言方結未亡之痛而皇帝踐祚之始銜哀過情忽傳詔於外廷請預聞於庶政載念承邦之重累申還辟之文皇衷未回羣聽猶鬱顧人子之誠雖至然國家之事靡安况日聽治朝

躬發神明之斷出馳禁錮衆聞輿馬之音百姓莫不交  
欣三靈以之薦祉吾嘗視前史之戒思繫聖之圖將退  
飭於母儀庸進彊於君德從容房闥不亦美歟昨權同  
聽政事候皇帝康復日如舊去歲兩曾降手書還政輔  
臣等並於皇帝御前納下今來聖躬已安好其軍國事  
更不同處分故茲示諭宜體至懷

太皇太后賜門下詔

蘓軾

皇帝嗣位于茲四年華夷來同天地並應而皇太妃以

恭儉之德鞠育之恩雖典冊以時奉行而情文疑有未稱皇帝以祖考之奉尊無二上而吾惟春秋之義母以子貴其推天下之養以慰人子之心宜下禮部太常寺討尋如於典故有褒崇未盡事件令子細開具聞奏

太皇太后賜門下詔

蘓軾

官冗之患所從來尚矣流弊之極實萃于今以闕計員至相倍蓰上有久閒失職之吏則下有受害無告之民故命大臣考求其本苟非裁損入流之數無以澄清取

士之源吾今自以眇身率先天下永惟臨御之始常敕  
有司蔭補私親舊無定限自惟薄德敢配前人已詔家  
庭之恩止從母后之比今當又損以示必行夫以先帝  
顧託之深天下責望之重苟有利於社稷吾無愛於髮  
膚矧此恩私實同毫末忠義之士當識此誠各忘內顧  
之心共成節約之制今後每遇聖節大禮生辰合得親  
屬恩澤並四分減一皇太后皇太妃准此

合祭天地詔

范祖禹

朕聞五帝不相沿樂三王不相襲禮世有損益因時制宜惟我祖宗嚴奉郊廟當遣官攝事皆考合於前文唯奠玉親祠自裁成於大禮每以三歲對越二儀咸秩百神大賚四海迄先帝元豐之末講方丘特祭之儀蓋將補一代之闕容振百王之墜典朕惟菲德嗣守丕基列聖已行謹當遵奉先朝未舉懼不克堪是以昔歲仲冬竭誠大祀神祇饗答祖考燕寧前詔有司再加集議猶欲咨度諸儒之論稽參六藝之文然理既不疑則事無



可議斷自朕志協于僉言祇率舊章永為成式今後南郊合祭天地依元祐七年例施行仍罷禮部集官詳議  
元符日食求言詔

魯肇

朕以眇身始承天序任大責重罔知攸濟永惟四海之遠萬幾之煩豈予一人所能徧察必賴百辟卿士下及庶民敷奏以言輔予不逮矧太史前告天將動威日有食之期在正月變異甚鉅殆不虛生夙夜以思未燭厥理將以彌綸初政消弭天菑非藥石之規孰開朕聽况

今周行之內人有所懷芻蕘之中言亦可採凡朕躬之  
闕失若左右之忠邪政令之否臧風俗之媿惡朝廷之  
德澤有不下究閭閻之疾苦有不上聞咸聽直言毋有  
忌諱朕方開讜正之路消壅蔽之風其於鯁論嘉謀唯  
恐不聞聞而行之唯恐不及其言可用朕則有賞言而  
失中朕不加罪朕言惟信非事空文尚悉乃心毋悼後  
害應中外臣僚以至民庶各許實封言事在京於合屬  
處投進在外許於所在州軍附遞以聞布告邇遐咸知

朕意

賜夏國主詔

韓琦

昨以夏國累年以來數興兵甲侵犯疆陲驚擾人民誘迫熟戶去秋乃復直叩大順圍迫城寨焚燒村落抗敵官軍邊奏屢聞人情共憤羣臣皆謂夏國已違誓詔請行拒絕先皇帝務存含恕且詰端由庶觀逆順之情以決衆多之論逮此遜章之稟命已悲仙馭之上賓朕纂極云初包荒在念仰循先志俯諒乃誠既自省於前辜

復願堅於永好苟奏封所叙忠信無渝則恩禮所加歲時如舊安民保福不亦休哉

賜觀文殿學士禮部尚書王舉正乞致仕不允詔

歐陽修

夫朝廷之廣大賢雋之衆多必有皤然耆壽之臣以當上所優禮之異或事思所訪則有老成俾時之式瞻以爲人望故禮雖七十猶有不得謝者焉卿懿文高行有君子之風清節令聞爲當世所重閱書秘殿日侍清閒

進讀經筵坐論道德固非有官司之責筋力之勞宜思  
少安副我眷待

賜夏國主詔

歐陽修

朕嗣守丕圖日新庶政方推大信以協萬邦思與藩屏  
之臣永遵帶礪之約矧勤王而述職固奕世以推誠而  
近年以來將命之使或不體朝廷之意罔循規矩之常  
多於臨時率爾改作既官司之有守致事體以難從且  
下修奉上之儀本期効順而君有錫臣之寵所以隆恩

豈宜一介於其間輒以多端而生事在國家之撫御固  
廓爾以無疑想忠孝之傾輸亦豈欲其如此故特申於  
旨諭諒深體夫眷懷今後所遣使人更宜精擇不令妄  
舉以紊彛章所有押賜押伴使臣等亦已嚴行戒勵苟  
有違越必寘典刑載惟信誓之文炳若丹青之著事皆  
可守言貴弗違毋開間隙之萌庶敦悠久之好

賜南平王李德政歷日詔

宋 祁

頒歷之義以初為常俾一天下之歸用謹人時之授以

卿列壤南裔率職本朝宣我恩化慰彼黎庶每屬歲元  
之會必榮廟朔之藏朕亦推虔機祥裁輔舒慘申命太  
史分次左方宜案象以奉行表布和之胥洎特茲馳錫  
勿怠欽承

賜判永興軍韓琦再乞相州不允詔

王安石

卿當國家之多難任社稷之至憂實能忠勤以濟勲績  
方均逸豫適此外虞煩我元功良非得已亦惟體國義

不辭勞今雖尚謀經武之時非有蒐兵伐罪之事坐臨  
諸帥固可優游何必舊邦乃能休養勉綏居息以副倚  
毗

賜守司徒檢校太師兼侍中韓琦詔

王安石

便道之鎮朝廷故常來朝京師朕意所欲使事曲折既  
當聞知忠言嘉謨又所饑渴雖知勤勩可不勉哉

賜富弼乞判汝州允詔

王安石



比飭使人具宣至意就令賜告冀遂寧瘳卿嚴祇朕命  
不敢違息顧念吏卒閱其久留觸熱載馳用忘勤勩恭  
以事上卿實有之仁及賤微又能如此忠誠所惻豈獨  
朕心從容小邦姑以養福勉綏吉祿毋恤後艱

賜知亳州歐陽修乞致仕不允詔二道

王安石

股肱名臣與國同體禮當得謝朕尚難之况年非告老  
之時而勲在受遺之籍不留屏輔人謂斯何姑體至懷

少安厥位

卿勲德之舊簡在帝心從容一州足以休養而抗奏至  
於四五必以田里為歸豈朕視遇故老有不足於禮乎  
何其求去之果也欲喻至意莫知所言惟能勉留實副  
勤佇

賜答魯公亮詔

王安石

青裁變異以戒人君推之股肱朕所不敢元勲舊德實  
賴交修謹告之來必緣象類明諭朕志使當天心庶幾

君臣並受遐福不務出此而果於辭權是惟保身豈曰謀國

賜特放知潭州燕度待罪詔

王安石

卿受命方隅助宣德化姦兇弗率乃觸大誅引慝自歸謂當譴黜萬方有罪責在朕躬雖爾長民豈專任此

賜宰臣韓琦不赴文德殿立班待罪不允詔

王珪

天子之御正朝久而未講宰相之班百辟後亦從隳攬

臺簡之忽陳規邦彛之侵略蓋延英賜對每隄中昃之  
咨故宣政留班不及大昕之謁矧在職之匪懈奚引愆  
而靡寧宜斥細嫌用綏素躅

賜河陽三城節度使兼侍中魯公亮乞免冊禮允

詔

王珪

天子臨軒拜三公其禮舊矣今朕以上公之秩加于元  
臣方戒有司卜日而冊授之乃援比固辭不能為朕引  
綏廷下吁其禮何時而可復邪雖用勉從則匪朕心之

懌

賜判亳州富弼乞罷使相不允詔 王珪

朕初臨丕基首撰大吏方勞精而共務忽引疾以屢辭  
去雖隄於歲年念不舍於朝夕適覽奏函之旣又將使  
袞之還且重祿所以賦上賢樂郡所以優舊德宜收曲  
慮終保高名

賜吳奎免恩命不允詔

王珪

天子惟君萬邦建時百辟以祗廸于乃事矧曰左右之

臣以朝夕承乂乃辟予敢有弗欽爾克懋乃猷茲庸命  
爾圖厥政爾乃陳所以固辭朕命者三朕思有虞之世  
群臣皆讓亦莫安厥位終敕之曰俞汝往哉爾弗逖聞  
于前人其率時訓惟厥中嗚呼慎爾止毋倚乃身乃罔  
弗孚于休

戒諭夏國主詔

王珪

維乃祖考克有西土世為漢藩輔今爾弗蹈于前烈廼  
竊署重爵以奉幣於朝方邊吏拒還乃復稽留境上不

及廷見之期泊朕親撫貢函而僭我王命實如所聞朕  
疑風俗荒遠未達朝廷之儀雖然棄信慢常誼不可長  
其務思先世之約以保綏于斯民毋忽是圖以奸我有  
邦之罰今後所差使人即不得僭擬

賜宰臣韓琦請郡不允詔

呂公著

夫忘身徇國者前志之所高送往事居者人臣之所勉  
顧惟寡昧矧在亮陰永言負荷之艱實賴股肱之助荐  
披來奏頗異予聞謂已事於山園必聽辭於機柄雖末

代或爾在本朝則無唯天聖之初馮拯去位非緣使領而獲罷蓋以疾疚之匪任卿體力素強望實兼劭所宜遺履謙之近節懋經國之遠圖深體至懷勉綏厥位

賜王廣淵張詵獎諭詔

元絳

洮岷之役師旅載興維予信臣一廼忠力百爾調發並濟厥須告凱奏功實繁欽助特加褒寵有腴分領宜體眷懷益圖來効

賜新除落致仕依前光祿大夫范鎮赴闕詔



蘓軾

夫有德君子以精神折衝譬之麟鳳能服猛鷲朕虛懷  
前席以致諸老非敢必以事諉也苟得黃髮之叟皤然  
在位則朝廷尊嚴姦宄消伏卿雖篤老乃心王室毋憚  
數舍之勞以副中外之望

賜尚書刑部侍郎范百祿乞外任不允詔

蘓軾

成王命君陳商民在辟予曰辟爾惟勿辟予曰宥爾惟

勿宥惟厥中古之有司與天子相可否蓋如此而況公卿之間議有異同而不盡其說哉例在中書與在有司固宜審處歸于至當而卿遂欲以此去位非古之道也其益修厥官以稱朕意

汧路賜奉安神宗皇帝御容禮儀使呂大防銀合

茶藥詔

蘓軾

於赫神考如日在天雖光明無所不臨而躔次必有所舍肆予命爾祗奉此行禮既告成勤亦良至感慕之外

嘉歎不忘

賜鄂特凌古詔

蘓軾

惟爾祖先世篤忠孝本與夏賊日尋干戈亦惟恃我朝廷爵秩之隆用能保爾子孫黎民之衆肆朕命爾嗣長乃師而承襲以來強酋外擅爾弗能禁恣其所為遂據洮城以犯王略陰連夏賊約日盜邊朕愍屬羗之無辜出偏師而問罪元惡俘獲餘黨散亡山後底平河南綏服朕惟率酋豪而捍疆場乃爾世功叛君父而從仇讐

豈其本意庶能改過未忍加兵果因物以貢誠願洗心而效順爾既知悔朕復何求已指揮熙河路更不出兵及除已招納到部族外住罷招納依舊許般次往來買賣及上京進奉爾宜約束種類共保邊陲期寵祿於有終知大恩之難再勿使來歟復為虛言

賜正議大夫知鄧州蔡確乞量移弟碩允詔

蘓軾

以義責備春秋有失教之譏以情內恕詩人有將母之

念碩之得罪事在有司難以貴近之親而廢朝廷之典  
及觀來請有概予心重違兄弟急難之詞以傷人子奉  
養之意

賜端明殿學士銀青光祿大夫致仕范鎮獎諭詔

蘓軾

朕惟春秋之後禮樂先亡秦漢以來詔武僅在散樂工  
於河海之上往而不還聘先生於齊魯之間有莫能致  
魏晉以下曹鄴無譏豈徒鄭衛之音已雜華戎之器間

有作者猶存典刑然銖銖之一差或宮商之易位惟我  
四朝之老獨知五降之非審聲知音以律生尺覽詩書  
之來上閱箕虞之在廷君臣同觀父老太息方詔學士  
大夫論其法工師有司考其聲上追先帝移風易俗之  
心下慰老臣愛君憂國之志究觀所作嘉歎不忘

賜觀文殿大學士集禧觀使蘓頌乞致仕不允詔

范祖禹

祖宗以來貴德尚齒鼎槐之老莫不眷留班于大廷表

儀百辟卿向繇省轄進泣宰司深執勞謙懇求去位置  
使祠館勉徇雅懷已退處於丘園尚何殊於田里矧卿  
筋力克壯聰明不衰中外所瞻足以重國體茲至意無  
或費辭

賜新除觀文殿大學士中太一宮使范純仁令赴  
闕供職詔

曾肇

卿三朝元老四海具瞻出處為邦國之重輕用舍繫仁  
賢之消長久置散地宜還本朝俾陟降於殿帷仍總司

於琳館豈惟尊德尚齒昭示寵優庶幾鯁論嘉謨日聞  
忠告昔周公已老猶在京師留侯雖病不去漢室眷惟  
舊弼異世同心聞命疾馳副朕所望



宋文鑑卷三十一